

後漢書補注一一



中華書局

後漢書補注

一一

惠棟撰

續漢志補注卷第二十三

郡國三

陳留 東郡 東平 任城 泰山 濟北 山陽 濟陰

右兗州 李巡爾雅注曰濟河閒其氣專實厥性信謹故曰兗兗信也

東海 琅邪 彭城 廣陵 下邳

右徐州 李巡爾雅注曰淮海閒其氣寬徐稟性安徐故曰徐徐舒也

陳留

陳留風俗傳曰縣有鉞鄉亭裴氏鄉

注陳留志

漢議郎閭稱字幼舉撰陳留風俗傳二卷又晉刻令江敞亦撰陳留志此所引蓋幼舉書也

淩儀
陳留風俗傳曰縣北有淩水像而儀之故曰淩儀
本大梁

竹書紀年曰梁惠成王九年四月甲寅徙都大梁

尉氏。

陳留風俗傳曰尉氏鄭國之東鄙弊獄官名也鄭大夫尉氏之邑。

注有陵樹鄉。

故平陵縣也。

雍邱。

陳留風俗傳曰縣有五陵之名故以氏縣。

襄邑。

杜預曰縣東南有首鄉春秋之首止也陳留風俗傳曰襄邑宋地本承匡襄陵鄉也宋襄公所葬故曰

襄陵秦始皇以承匡卑濕故徙縣于襄陵謂之襄邑縣西三十里有承匡城。

外黃。

陳留風俗傳曰縣有大齊亭。

曲棘里。

陳留風俗傳曰外黃南有渠水于春秋爲宋之曲棘里故宋之別都矣。

東昏。

陳留風俗傳作東緡司馬貞曰屬陳留者音昏屬山陽者音旻顧炎武案隸釋酸棗令劉熊碑陰有故

守東昏長蘇勝。仍作昏。作緡者非。棟案。昏與緡。古字通。故或作緡。或作昏。漢王誨碑。有使河堤謁者山陽東昏司馬昏。則知漢時緡字亦作昏也。

注。故戶牖鄉。

竹書紀年曰。顯王十一年。鄭釐侯使許息來致地。平邱戶牖首垣諸邑。陳留風俗傳曰。故陽武戶牖鄉。

濟陽。杜預曰。縣東南有戎城。

平邱。

陳留風俗傳曰。衛靈公邑。

注。盟黃池。杜預曰。在縣南。

案杜注云。在封邱縣南。脫封邱二字。

桐牢亭。

樂史曰。在縣北二里。

酸棗。

淮南子曰。伐棘棗而爲矜。高誘曰。棘棗。酸棗也。故陳留風俗傳曰。酸棗以棘名邦。漢官儀曰。舊河堤謁者居之。

注。烏巢。

晉太康地記曰。烏巢澤在縣東南。

注。城棣。

棣。力計反。又徒妹反。

長垣。

陳留風俗傳曰。縣有防垣。故縣氏之。有羅亭。故長羅縣也。又西北有營樓。垣音袁。

蒲城。

一作蒲鄉。

注。遼伯玉墓。

陳留風俗傳曰。縣有遼伯玉鄉。一名新鄉。

已吾。

陳留風俗傳曰。縣故宋也。雜以陳楚之地。故梁國寧陵縣之徙種龍鄉。以成哀之世。戶至八九千。冠帶之徒。求置縣矣。永元十一年。陳王削地。以大棘鄉直陽鄉自隱。隸之。命以嘉名曰已吾。猶有陳楚之俗焉。

考城故菑。注。陳留志曰古戴國。

前志曰。留故戴國。孔穎達曰。古者留戴聲相近。故鄭玄詩箋。讀傲戴爲熾留。陳留風俗傳曰。有斜亭園。

陳留風俗傳曰。舊陳地。苦楚之難。修干戈于境。以虞其患。故曰園。高陽亭。

陳留風俗傳曰。有雍邱西南。又曰。酈食其。高陽鄉人。史記。沛公至高陽傳舍。徐廣曰。今在園縣。扶溝。

陳留風俗傳曰。小扶亭有清水之溝。因以名縣。有帛鄉。帛亭。濮陽。

世本曰。衛成公徙濮陽。宋忠曰。帝邱地名。濮音卜。

古昆吾國。

世本曰。陸終娶鬼方氏妹曰女嬪。生子六人。其一曰樊。是爲昆吾。昆吾者衛是。宋忠曰。昆吾國已姓所出。

清丘。

京相璠曰。在縣東南三十里。魏都尉治。

鉏城。

京相璠曰。在西南十五里。

燕本南燕國。

世本曰。姑姓。杜預釋例譜。南燕伯爵。不知所出。

胙城。

杜預曰。在縣西南。

平陽亭。

杜預曰。在縣東北。

桃城。

戰國策曰。拔燕酸棗盧桃人。司馬貞曰。在縣東三十里。

章鄉。

史記注。作園鄉。園章古字通。晉志曰。有瓠子堤。

頓丘。

京相璠曰。今衛國縣西北三十里。有五鹿地。鄭元曰。今屬頓邱縣。

注。白虎通曰。帝嚳冢在城南臺陰野中。

諸本脫南字中字。語見皇覽。云白虎通者。誤也。

東阿。

水經曰。有漁山。酈元曰。卽吾山也。

清亭。

京相璠曰。縣東北四十里。

濕水。

前志及水經皆作濕。說文作濕。從水。𣶒聲。詳見平原郡下。

范。

郭緣生述征記曰。倉亭津在縣界。去東阿六十里。

臨邑有沛廟。

前志作沛。水經注作沛。云沛瀆之廟也。棟案。風俗通曰。濟出常山。房子贊皇山。東入沮。廟在東郡臨邑。

縣。則是濟瀆之廟也。尙書古文。濟作沛。常从沛。

有聶戚。

京相璠曰。聊城縣東北三十里。有故攝城。當作聶城。

樂平侯國故清。章帝更名。

酈元曰。建初中更名也。

莘亭。

京相璠曰。縣北一十里有故莘亭。

岡成城。

水經注引作岡城亭。

衛公國本觀。

前志作畔觀。竹書紀年曰。梁惠成二年。齊田壽帥師伐我。圍觀。觀降。

注。戚。

釋例土地名曰。戚。衛縣西戚城。左枯河東。

竿城。

酈元曰。在河北。

注。前書故發干城。

城一作縣。案兩志別有發干縣。未詳。

穀城。

沈約曰。前漢無。魏土地記曰。縣有穀城山。山出文石。

注。周首亭。

京相璠曰。今濟北所治盧子城。故齊周首邑也。

鵠。

鵠。戶圭反。一音以轉反。晉志作烏下聚。

章城。

酈元曰。在無鹽城東北五十里。

東平陸。

西河有平陸。故加東。

壽張故屬東郡。

永平二年改屬。

注。狗城。

前志作胸城。酈元以爲春秋之須胸也。

注。闕鄉城中。

諸本脫鄉字。

須昌故屬東郡。

永元二年改屬。

注杜預曰須句古國在西北。

鄭元曰常在壽張杜說非也京相璠曰須胸一國二城兩名蓋遷都須昌胸是其本古中都。

鄭元曰卽夫子所宰之邑。

任城本任國。

春秋傳曰任宿須句杜預曰任今任城縣司馬貞曰春秋經桓五年天王使仍叔之子來聘穀梁經傳並作任叔仍任聲相近則東平任古仍國也。

亢父。

劉伯莊包愷並音苦浪反司馬貞曰舊音剛父音甫。

注郭亭。

音詩。

注城邾瑕。

音遐。

注邾瑕城。

今杜注作邾婁城。

梁甫。

一作父服虔曰云云山在縣東。

享禪山。

前志作享亭。晉灼曰社首山在縣南十二里。周成王所禪也。

往。前志作往。此與濟北之往平皆當作荏也。

萊蕪。

應劭十三州記曰魯之萊柞邑。寶華曰萊人流播邑落荒蕪故名。

原山。

酈元曰在縣西南六十許里。

潘水出。

潘水無攷。或溜水之誤。前志作留。

蓋沂水出。

杜預釋例曰沂水出縣之艾山。南經琅邪東海。至下邳入泗。蓋晉古害反。說文曰洙水出臨樂山北入泗。

顯與城。

杜預曰。在縣東北。

南城。

前志作成。

注。司馬牛葬邱輿。

諸本脫牛字。

費。

陸德明音秘。

台亭。

台。勅才反。又音臺。一音翼之反。

牟故國。

桓十四年。牟人來朝。水經注曰。汶水出縣西南阜下。俗謂之胡盧堆。淮南子。汶出弗其。高誘曰。山名也。

或斯阜也。俗謂是水爲牟汶。

注。臣昭案。濟北前漢之舊國。

前漢除濟北國爲北安縣。屬泰山。故志無濟北國。本傳亦云。分太山郡爲國。

盧注。齊鄭尋盧之盟。

晉志曰。縣西有石門。

平陰城。

京相璠曰。在縣西南十里。

防門。

京相璠曰。去平陰三里。

光里。

京相璠曰。在防門北。齊人言廣音與光同。卽春秋廣里也。

景茲山。

左傳作京茲。杜預曰。在平陰城東南。

清亭。

杜預曰。在縣東。

蛇邱。

蛇音以支反。又如字。

遂鄉。

京相璠曰在蛇邱東北十里。

下謹亭。

酈元曰今俗謂夏暉城謹呼端反。

成本國。

案前志泰山有式縣卽成國傳寫誤也。

注東平剛父縣。

羅莘曰郡有剛縣晉爲東平國之剛平無剛父。

在平。

前志作在晉士說文曰在從草在聲濟北縣也孫愐曰俗作在。

剛。

史記穰侯傳曰伐齊取剛壽徐廣曰卽濟北剛縣也京相璠曰縣西四十里有闌亭闌尺善反。

甲父亭。

昭十六年徐人賂齊以甲父之鼎。

注縣西有西防城。

諸本脫下西字案本傳劉永將佼所彊據。

東縉。

十三州志曰：鄒衍曰：余登東縉以望宋都。縉音旻。司馬貞曰：小顏音昏，非也。杜預曰：在昌邑東南。陸氏

鉅野。

尚書大傳曰：鉅野，澤。鄭玄曰：鉅，大也。野，魚藪。今屬山陽。

注：縣西有成亭。

西一作南。

注：郎亭。

郎古閭反。

高平。

酈元曰：有高平山，縣取名焉。

故蘄。

前志作蘄。州郡志作蘄。案東平王傳亦作蘄。

茅鄉城。

京相璠曰：縣西三十里。